

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

Bosco, Jean a

Lovanii, 1678

Concl. III. Solvunt utrimque sponsalia, susceptio Ordinis sacri, & solemnis professio Religionis. Qui juravit, non debet primò contrahere, nisi aliquid aliud obstet.

[urn:nbn:de:hbz:466:1-73432](#)

qui differt, nullatenus frangeret fidem, quia iustam habet causam differendi, tamen dilatio posset esse tanta, ut alter non censeatur habuisse animum, se obligandi ad tantam dilationem; qui proinde tali casu poterit inire aliud Matrimonium.

67.

*Quantum
spatium sit
nimia dilata-*
tio.

Aversa.

Quantum autem spatium expectandum sit, ut una pars videatur nimium differre, sive quando aliquis terminus est præfixus, sive dum nullus terminus fuerit præfixus, difficile est discernere. In cap. *Sicut*, de Sponsi, (inquit) *Aversa de Matrim. q. 8. de Spons. sect. 11. §. Si autem* non censemur nimium spatium quatuor vel quinque annorum; quia jubetur puniri quidam vir, qui tamdiu expectavit, & postea cum altera contraxit: nec per virum steterit, sed per mulierem potius, quod minus inter eos matrimonialis solemnitas sit sequuta. At in l. *Si is*, 2. Cod. de Sponsi. censemur nimium spatium biennii: *Si is, qui puellam suis nuptiis pactus est, intra biennium ex quo nuptias, in eadem provinciâ degens, supercederis, ejusque spatiis fine decurso, in alterius postea conjunctionem puella devenerit, nihil fraudis ei sit, quae nuptias maturando, vota sua diuinas eludi non possit.*

Sed tamen, cum teneatur unus ad instantiam, & requisitionem alterius, contrahere quamprimum commodè fieri possit, si unus requisitus, & commodè potens contrahere, adhuc norabiliter differat, jam peccat contra suum debitum, & frangit fidem sponsalium quoad tempus: quare eo ipso alter videtur quoque à sua obligatione eximi, ut possit fibi, si velit, de alius nuptiis providere: debet tamen hic præmonere illum, qui nimis differt, se nolle amplius expectare: alioquin ille putare posset, eum non gravare ferre tandem dilationem, sed in eam consentire.

68.

*Id prudenter
judicio dis-
cernendum
est.*

Prudenti autem iudicio discernendum est, quando dilatio videatur nimia. Et in hoc tutius erit exigere declarationem *Judicis*, quando commodè haberi potest. Poterit autem non solum spatium quinque, aut etiò annorum, sed etiam duorum, aut etiam unius anni nimium judicari, nimirum pro circumstantiis rerum & personarum. In eo canone vel talis erat casus, ut illud tempus non videretur nimium: vel vir, non præmonita priori sponsa, alteram duxit, & idem in hoc deliquerit. In ea autem lege, tantum dicitur spatium biennii sufficere, sed non negatur, minus etiam posse sufficere ad rescindenda priora sponsalia. Hactenus *Aversa*, qui imponet finem huic Conclusioni. Sequitur

CONCLUSIO III.

Solvunt utrumque sponsalia, suscep-
tio Ordinis sacri, & solemnis
professio Religionis. Qui jura-
vit, non debet primò contrahe-
re, nisi aliquid aliud obsteret

Ratio 1. partis; quia tam Ordo sacer, 69.
quàm solemnis professio Religionis, est *Proba*,
impedimentum dirimens Matrimonium; *par. Cen.*
adéoque per susceptionem Ordinis sacri, & claus.
solemnem professionem Religionis, Matrimoniū sit impossibile, *Nemo autem potest*
ad impossibile obligari. Reg. 6. de Reg. Juris
in 6 ergo ex parte utriusque solvuntur sponsalia,
id est, non obligant sponsalia, sicut prius obligabant; sive impedimentum illud
fuerit malitiosè introductum, sive non;
quàmvis ille, qui malitiosè fecisset, posset
teneri ad restitutionem dannorum sequentium.

Nec obstar; quod hæc impedimenta sint 70.
abolutè dispensabilia; quia in moralibus, *Ordo*
quod ex coniunctudine non est possibile, cen-
setur impossibile. Unde nemo censemur se
voluisse obligare ad procurandam dispensationem, *objectione*
quam moraliter loquendo non po-
test obtinere: talis autem est dispensatio in
solemni professione Religionis, & sacris Ordinibus saltem Sacerdotio & Diaconatu. De
Subdiaconatu posset dubitari, cum hodie
videamus etiam ob privatam causam cum
Subdiaconi dispensari. Ergo per solemnem
Professionem & susceptionem Ordinis sacri,
saltem Sacerdotii & Diaconatus, simpliciter
& absolutè ab initio sponsalia solvuntur;
neque reddit obligatio, quàmvis fortè per
accidens omnino extraordinariè impedimentum auferatur; quia contrahentes ad
extraordinarium calum non censemur at-
tendisse.

Immò communis sententia docet, per *Per quod*
quodcumque impedimentum dirimere dif-*cumque*
solvi abolutè sponsalia, quàmvis possit
manere obligatio ad petendam dispensationem, *pedimentum*
& obtentā dispensatione ad contra-*dirimus*
hendum Matrimonium, quando alia via *difficile*
non potest satisfieri pari laetitia. Interim pars
laeta non tenetur expectare dispensationem,
sed potest liberè contrahere alia sponsalia,
& aliud Matrimonium, si impedimentum
culpabiliter inductum sit; quin etiam, ta-
meri fine culpa; quippe non tenetur quis
acceptare privilegium sive dispensationem,
sed potest vello inhaerere juri communi-*aboluti*
ali hisceci omniu*m*odo. *Obiectio* 71. *Si*

71. Si dixeris; sufficit quod una pars acceptet dispensationem. Respondeo; nihilominus per eam non reviviscere obligationem sponsalium, quae ante extincta fuit, secundum communem sententiam, & non tantum sopia usque ad obtentam dispensationem. Videlicet tamen satisfacere ille, qui culpabiliter impedimentum induxit, si obtenta dispensatione, offerat parti lese Matrimonium; eo semper salvo, ut nullum aliud damnum intulerit, prater damnum impedimenti; quod si pars renuat, & offerens libera erit, quamvis ante culpabiliter induxerit impedimentum.

Dixi: *Eo semper salvo &c.* quia si aliud preterea damnum intulerit, v.g. infamiam, ed quod cognoverit fororem sponsae suae, istud tenetur reparare alia viâ, si pars lese nolit acceptare Matrimonium, eo quod timet perpetuam displicantem, sive aversio-

nem a sposo.

72. Sed objiceret aliquis contra jam dicta: Votum non totaliter extinguitur, quando res vota facta est impossibilis, sed tantum sopia manet pro toto illo tempore, quo res permanet impossibilis: quod si rursus fiat impossibilis, obligat votum tunc prius, quomodo pater in eo, qui cum voto simplici castitatis contraxit Matrimonium; mortuâ enim conjugi, vel lapsâ in adulterium, tenetur rufus voto suo tunc prius, antequam Matrimonium contraxisset; quamvis stante Matrimonio, & jure petendi debitum in conjugi, teneatur reddere debitum. Ergo consimiliter quamvis obligatio sponsalium cesset seu sopia maneat pro tempore, quo impedimentum durat; attamen quasi reviviscet impedimento sublatum per dispensationem, maximè quando sine culpa inductum fuerat; quia jam res promissa bona & possibilis est.

73. Respondeo 1. concedendo totum, secundum sententiam, que dicit, per Matrimonium subsequens non extinguiri sponsalia praecedentia, sed tantum suspensi, de qua sententia infra latius agemus.

Respondeo 2. disparitatem esse, quod possibilitas voti in casu proposito redeat sive illa dispensatione, prout etiam reddit possibilitas sponsalium, soluto priori Matrimonio; at verò in casu nostro requiritur dispensatio, ad quam cum sponsi non obligantur, quando impedimentum sine culpa inductum fuit, non potest etiam esse obligatio ad Matrimonium. Nam si sponsalia adhuc obligarent ad Matrimonium, etiam obligarent ad procurandam dispensationem; alias quippe vana est obligatio ad Matrimonium, cum sine petitione dispensationis, seu sine dispensatione, nunquam sit futura possibilitas Matrimonii. Ex quo patet, qua-

re potius per impedimentum, quod indiget dispensatione, totaliter extinguatur obligatio, quam per impedimentum, quod solo lapsu temporis cessat.

Si urgelas; in aliquo casu est obligatio petendi dispensationem, v.g. quando quis suâ *Infractio* culpâ induxit impedimentum, & potest facile obtainere dispensationem, nec aliâ viâ potest satisfaci parti lese.

Respondetur; tali casu oritur hæc obligatio, non tam ex sponsalibus, quam ex damno dato, quod aliâ viâ non potest reparari, ita, ut si possit aliâ viâ reparari, nulla sit obligatio petendi dispensationem, aut Matrimonium contrahendi. Ita docet Di-

cast. suprà n. 559.

Sed audiamus de hac controversia San- 75. chium disputatione quinquagesimâ sextâ, *An is. cuius* numero quarto. Rogabis, inquit, utrum *culpa contrahitur* sponsalium, cuius culpâ contrahitur impedimentum dirimens, teneatur dispensationem impre- *sumteneat* trare, ut sponsalia perficiat? Petr. de Le- *trare dispensationem*.

desma de Matrim. questione quadragesimâ quartâ, articulo tertio, causâ tertiatâ, affir- *Petr. de Le-* mat teneri; quia culpâ suâ effectus est impo- *Sanchez* tens, nec par est, ut immunitatem à fide præ- *desma* stita, delictum illi concedat, contra cap. fe- cundum de Translat. Prælat. Et confirmatur; quia eo ipso, quod sponsa jus haberet ad Matrimonium, comparat jus ne iniuste impediatur; ergo sponsus, qui iniuste impedi- *Quemadmodum* vitur ex iustitia impedimentum au- ferre modo sibi possibili. Et hæc sententia placet, casu quo vir fecinam deflorarit, vel ea notabilem famam iacturam patiatur, ni ducatur in uxorem, vel si hæc cessent, potest faciliter dispensatio impetrari: secundum quando nec hæc concurrunt, & dispensatio magnis expensis eget, & magna mora, ut quia Ro- ma valde distat; promissio enim intelligitur rebus in eodem statu manentibus, cap.

Quemadmodum. de jurejurando. Hæc ille.

Ubi videtur admittere obligationem præcisè ex vi contractus sponsalitii, quando dispensatio faciliter potest haberi, quod non videtur improbable; nam qui obligat se ad aliquid in futurum faciendum, etiam vide- tur se obligare, ad non ponendum impedimentum voluntariè; & per consequens, si positum est, ad illud auferendum, saltem quando id faciliter potest facere; ad extraordinarios sumptus non videtur se voluisse obligare. Si tamen sponsæ plurimum intersit ad nuptias progredi, cum, ut supponitur, per injustam inductionem impedimenti sit causa illorum damnorum, etiam cum pari suo incommodo teneretur illa refarcire, si non vi præcisè contractus sponsalitii, qui non vide- tur obligare, nisi ad media ordinaria, saltem propter injustitiam & damage ex ea secuta, aut necessariâ secutura.

Q 2

Ex

76.
Quid si ali-
quis deflo-
ravit con-
fanguineam
suam sub
promissione
Matrimonii.

Ex his patet, quid dicendum sit in casu, quo quis defloravit confanguineam suam sub promissione Matrimonii. Ceterum est, promissionem non valuisse; nam si impedimentum dirimens supervenientis sponsalibus, illa dissolvit; à fortiori præcedens sponsalia, ilorum vim impedit, ne oriatur obligatio; sèpè enim plura requiruntur ad tollendam obligationem scilicet inductam, quam ad impediendum, ne inducatur. Unde cùm invalidum sit Matrimonium, contractum cum consanguinea in gradu prohibito, non potest valere promissio contrahendi cum illa, cùm sit promissio rei illicitæ & invalidæ. Non potest, inquam, valere, tamquam promissio absoluta, de qua hic loquimur.

Sed nunquid valer sub conditione: *Si Papa dispensaverit?* Valer omnino tamquam conditionata, si Papa soleat dispensare, ut latius dicimus agendo de Matrimonio conditionato. Hoc tantum hinc noto; illam conditionem non subintelligi sub verbis absolutis, sed distinctis verbis foret exprimenda; estd alioquin promittens, propter damnum illatum, aliter irreparabile, teneatur dispensationem petere & defloratam ducere. Ratio est; quia aliás, eti si non fuisset deflora, adhuc valerer talis promissio tamquam conditionata, quod haec tenus nemo docuit.

Dices; debuisset Sanchius hoc docere; quia si ille tenetur petere dispensationem, quando sat è facile potest eam obtinere, qui suā culpa induxit impedimentum; quid ni etiam ille, qui sciens cum impedimento contraxit? Quid ni ergo sponsalia, sic contracta, obligent ad dispensationem procurandam, adeòque sint conditionata, & obligent ad Matrimonium, si Papa dispensaverit?

Respondeo disparitatem esse; quòd illa sponsalia ab initio fuerint absoluta & valida, & per consequens obligaverint ad id, quod erat vià ordinariæ necessarium ad Matrimonium contrahendum; hæc autem sponsalia, utpote absoluta, saltem ex parte ejus, qui impedimentum nescivit, ab initio invalida, & idèo ad nihil obligant, nisi fuerint damnificantia.

78. Si replices; uterque sciebat impedimentum nullum subesse. Respondeo; cur ergo non apposuerunt extrinsecus illam conditionem; *Si Ponifex dispensaverit?* Cùm ergo, ut supponitur, absolutè contrixerint, quantum constat ex verbis exterioribus, patet, quia invalidè contrixerint, quantum attinet ad forum externum; immo etiam in foro conscientiæ: estd enim interius voluntè conditionatè tantum contrahere, cùm tamen exterius nullo signo illam voluntarem significaverint, non fuit acceptata voluntas illa conditionalis, adeòque ut talis non potuit obligare. Nisi ergo dixeris, illam conditionem in hujusmodo

di sponsalibus debere s' imper Lubintelligi, ne alioquin sint in valida & peccaminosa, nulla ex eis oritur obligatio, sive ad contrahendum Matrimonium, sive ad petendam dispensationem. Jam autem jure positivo non subintelligitur talis conditio; ubi enim extat illud iure positivum? Neque jure naturali, cùm sèpius homines invalidè & peccaminose contrahant; & presumendum videtur quod impræsentiarum sic velint contrahere, cùm facile possent conditionem exterius apponere, & non apponunt.

Atque hæc maximè vera sunt de illis impedimentis, in quibus ex consuetudine non solet dispensari, qualia sunt, ut supra diximus, solemnis professio Religionis, & Ordo facer (sicut Sacerdotium & Diaconatus) de quibus impedimentis specialiter loquitur Conclusio, & absolute ascrit, per ea utrumque dissolvi sponsalia, fine aliqua obligatio- ne pendit dispensationem.

Est tamen notanda aliqua differentia inter hæc duo impedimenta, quod secundum Omnes, solemnis professio Religionis post sponsalia est licita, & quid mirum, cùm etiam sit licita post Matrimonium ratum, ut suo loco videbimus? Cùmque dissolvat utrumque Matrimonium ratum, ut ibidem latius discutietur, multo magis dissolvet sponsalia. At *sacrum*, verò de Ordine Iacro controvertitur, inter DD. an ejus suscepit licita sit post sponsalia; idque quia nec jure positivo conceditur, prout conceditur solemnis Professio, nec jure naturale dictat, illam conditionem necessariò subintelligi in sponsalibus, nisi voluerem transire ad meliorem statum, ut infra, ubi de voto castitatis, & voto suscipiendo Ordines sacros, diffusus dicitur, & ideo Multi docent, illam susceptionem non esse licitam, ut tunc videbimus.

Hic restat probanda ultima pars Conclusio, videlicet: *Qui juravit, non debet primo contra-herere &c.* Er quidem generaliter hujusmodi juramentum servandum esse, videtur dicere Pontifex Alex. 3. cap. 16. de Spons. sequentis tenoris: *Commisum:* Et infra: *Significavit nobis Fraternitas tua scribit Eponen. Episcopo* quod quidam cuidam mulieris de contrahendo Matrimonio fidem dedit, & se cum ea infra biennium per verba de praenti contrahendum, praefixa juramento firmavit: nunc autem privatâ lage ductus, ad frugem melioris vita transire suspirat: Et intra: *Fraternitas tua taliter respondens, quod tutius est ei (religione juramenti servata) prius contrahere,* & postea si elegit, ad Religionem migrare, si tamen post dispensationem copula non dignoscitur intervenisse carnalis.

Consonat Doct. Subt. 4. dist. 30. q. 2. n. 6. Scovi- ibi: *Aliud exemplum, si quis contraxisse sponsalia cum juramento, & postea vorisset virginem.*

tatem, videretur consulendum illi, quod consummaret sponsalia contrabendo de facto, ut servaret fidem juramenti: & tamen ut servaret votum, statim ante consummationem deberet anhelare ad Religionem. Sed nota illa verba: *Videretur consulendum;* ergo non loquitur Scotus omnino assertivè; neque obligationem docet, sed consilium.

81. Et sanè contraria sententia, scilicet nullam esse per se obligationem juramenti in tali casu, est communis, & à Sanchio disprobatur. 43. n. 3. probatur Primò: quia cap. *Commixtum* de Spons. tantum dicit, tutius esse, prius contrahere Matrimonium; & proinde licet, ut sonat, velimus illud intelligere, solum consilium importat; ergo potest tunc oppositum fieri.

Probatur 2. quia juramentum sortitur naturam & conditiones actus super quo interponitur; cap. *Quemadmodum* de Jurejuri ibi: *Non obstante hujusmodi juramento, quoniam in eo talis erat subintelligenda conditio, si videlicet in legem conjugii illa non peccaret.* Et leg. fin. Cod. de Non numer. pecu. Indubitate juris est, non numerata pecunie exceptionem locum habere, & in talibus nominibus, vel feneratiis, vel aliis cautionibus, que etiam sacramenti habent mentionem. Quae enim differentia est in hujusmodi exceptione, sive iusjurandum possumus, sive non, tam in feneratiis cautionibus, quam in aliis instrumentis, quae talem exceptionem recipiunt?

Itaque conditio tacite in actu inclusa, includitur similiter in juramento: sed promissio Matrimonii inest tacita conditio, nisi promittens Religionem elegerit; ergo & juramento. Constat Minor; quia ipsum Matrimonio rato inest hæc conditio (alias non licet ad Religionem tranfire) nequid ipsi sponsalibus: & proinde cum ingrediens Religionem, conditionem impleat, non erit perjurio, minimè contrahendo.

Probatur 3. quia fructuaneum omnino est, contrahere Matrimonium animo ingrediendi Religionem statim, cùm sit deludere foemina, qua hujus animi conscientia, omnino renueret tale Matrimonium: nec momentanea illa solutione revera impletur juramentum: quoties enim nulla est in creditore turpitudo, juramentum firmat contractum nec impletur momentanea solutione. Eo vel maxime, quia dum illi foemina se contracturum juravit, animus in Matrimonio permanendi adfuit, & sic à foemina acceptatum est juramentum.

Rogas; quomodo ergo tutius sit prius contrahere, ut ait Pontifex supra cap. *Commixtum*? Et quā ratione id videatur consulendum, juxta Scotum supra? Placeat desuper audire Gloss. in cap. *Commixtum*. verb. *Tutius*, ubi sic ait: *Sed contra videtur: quia dici-*

tur: Qui se dat nuptui, benè facit: qui se non dat, melius facit: ut 27. q. 1. Nuptiarum. Et utrumque expedit, sed unum plus, alterum minus. 28. q. 1. Sic enim, vers. Ideò. & sic tutius esset non contrahere, saltem propter prorata tem exigendi possea debitum. Non contradicit: qui hoc faciendo, potest utramque servare, & juramentum, & propositum suum, & ideo dicit: Tutiū. Vel dic, Tutiū, saltē quoad opinionem, ne de facto dicatur iste venire contra juramentum. Præterea, non videretur infringere juramentum, qui illud in melius commutat, supra de Jurejuri. Pervenit, supra de Voto & vot. redempt. Scriptura: & sic ille intrando Religionem servat juramentum, & ita tutius est non contrahere. Et qui bona agant, si meliora deliberata non faciunt, ceciderant in conspectu Dei, 17. q. 1. Qui bona. Et si contrahat, videretur facere contra conscientiam, & sic peccat: ergo non est tutius, 28. q. 1. c. Omnes. §. Ex his. Sed dicas, iste nullum votum emisit, sed ad votum suspirat; unde non debet voti dici transgressor, etiamsi non intrat Religionem, si amplius non processit, supra de Vot. & vot. redempt. Literaturam. Et non facit contra propositum suum, quia licet gerat in corde virginitatem, conscientie potest in Matrimonium, 27. q. 2. Beata Maria. Potest ergo servare utrumque, ut dixi, si vult; tamen sine peccato potest intrare Religionem, & non contrahere. Bernardus. Hucusque Gloss.

Ita hæc expositio Glossi non placet Sanchio supra n. 5. Si enim, inquit, Pontifex de falsa vulgi opinione rogaretur, posset tolerari hic intellectus; cùm tamen rogetur, quid revera agendum sit, non dicendum est, falsam vulgi opinionem tamquam veram definitionem decidisse.

Respondeo: Pontificem non decidisse falsam vulgi opinionem, tamquam veram definitionem, sed decidisse rei veritatem; scilicet propter falsam vulgi opinionem, ad evitandum qualcumque scandalum, tutius seu consultiū esse contrahere, & post contractum intrare Religionem, quod de jure licitum est. Unde hoc non est deludere foemina, sed est uti jure suo, quod ipsa scire debuit. Sed & momentanea illa solutione revera impletur juramentum, quod solum fuit de incendo Matrimonio, & in eo perseverando, nisi vellet tranfire ad Religionem; neque enim additum fuit juramentum sponsalibus, ut firmaret contractum Matrimonii, & excluderet conditiones, in eo ex jure subintellectas; sed ad firmanda sponsalia, id est, ut sponsalia intellecta, sicuti secundum jus debent intelligi, firmius obligarent ob Autoritatem Dei, tamquam testis contractus initii; quod totum verum est, tametsi post contractum Matrimonium jurans utatur jure suo, intrando Religionem. Neque talis con-

84.

*Non placet
Sanchio.*

126 Disput. II. De Contractu & Sacramento Matrimonii.

tractus Matrimonii frustaneus est, sed sèpè potest esse valde utilis, ut statim videbimus, & semper in casu proposito ad hoc servit, ut qui juravit, non videatur transgressor sui iuramenti, quāvis revera talis etiam non fore, tametsi ante contractum Matrimonium intraret Religionem.

85.
Occurrunt
objectioni.

Nec obstat; quod quando juravit sponsalia, habuerit animum permanendi in Matrimonio, & sic à foemina iuramentum fuerit acceptatum; quia non idēo animum ictum juravit, quippe idem iuramentum praestare poterat, tametsi habuisset animum contrarium. Unde perperām foemina sic iuramentum acceptavit. Ex quo satisfactum videatur tertia probatio Sanchii suprà; ut proinde expostio Glofze non sit omnino rejicienda.

86.
Expositio
Sanchez.

Interim subdo aliam expositionem ex Sanchio suprà. Dicendum, inquit, est, illum, qui sponsalia juravit, nondum de Religionis ingressu deliberasse, ut constat ex iis verbis textis: *Et postea si elagerit, quasi non dum animo statuisset, & ex alia parte infabat tempus, quo iuramentum astringebat, & idēo dixit Pontifex, tutiū esse statim contrahere Matrimonium, ne termino tracto in perjurium incidat, & contracto Matrimonio bimestre superfess ad deliberandum de ingressu.* Hæc Sanchez cum Aliis, quos citat.

Cur etiam dici non posset, Pontificem ibi sic fuisse locutum, eo quod in casu sibi proposito Matrimonium necessarium fore, ad obviandum damno, alioquin sponsa obveniō; v.g. ad evitandam infamiam, aut ad legitimandam prolem ante lusceptam? Respondeo; quia de damno nulla fit mentio in illo jure, sed solùm de religione iuramenti; & tali casu non solùm esset tutiū id facere, sed etiam obligatorium, quando alio modo non posset illis damnis obviari, & hoc modo posset. Atque hic est casus, de quo loquitur ultima pars Concl. ibi: *Nisi aliquid aliud obstat: quamquam, ut bene advertit Sanchez suprà n. 4. illa obligatio tunc non confurgat ex iuramento viribus, sed ad reparandum damnum in tantum, ut etiam foret illa obligatio, tametsi sponsalia non fuissent jurata.*

87.
Objec̄tio.

Solviuntur.

88.

Objec̄tio.

Sed contraria; qui juravit solvere usuras, vi iuramenti tenetur solvere, quāvis postea pecuniam possit repeter; ergo similiter, qui juravit contrahere Matrimonium, tenetur vi iuramenti contrahere, esto postea possit intrare Religionem. Respondeo: disparitatem esse; quod in hoc iuramento includatur tacita conditio; *Nisi voluerat ad Religionem transferre*, nulla autem similia conditio includitur in iuramento solvendi usuras.

Si rursus objicias; iuramentum factum in favorem tertii, & ab eo acceptatum, non potest in melius commutari, quia jam tertio

est jus acquisitum; ut si juravi Petro, mediterrum illi centum aureos, non satisfacio si pauperiori do 1000.

Rursus respondeo: disparitatem esse; quod Respondet huic iuramento, facto in favorem Petri, & ab eo acceptato, non insit tacita conditio; Si in melius non commutavero; sicut inest iuramento sponsalitio in casu proposito tacita conditio: *Nisi transfero ad Religionem.*

Objec̄tis 3. Qui tenerit solvere debita, si solvendo est, tenetur prius ea solvere, quām Religionem ingrediatur. Respondeo: eandem esse disparitatem, videlicet, solutioni aliorum debitorum nullam inest tacitam conditionem, ut inest debito, de quo hic tractamus. Deinde per solutionem aliorum debitorum ante Professionem, patri omnino satisfacto & equaliter, ac si non profiteretur; ut proinde illa solutione tam utilis sit creditor, ac alia quælibet: at verò in casu proposito Matrimonium illud, contractum ante professionem Religionis, non est tam utilis sponsa; ac si non profiteretur, ut nimis clarum est, neque habetur finis intentus, id est, consummatio Matrimonii; unde, nisi aliquid aliud obstat, mallet sponsa non contrahere, quām contrahere; cur ergo sponsus teneatur contrahere?

Sed nunquid potest contrahere, prefertim quando vovit castitatem, aut etiam Religionem? Respondeo Sanchez suprà n. 12. verius est, esse culpam lethalem (loquitur de eo, qui nullo est adstrictus voto) exceptis casibus, quos n. 8. descripsi, etiam dum est vorum. Et hoc, inquit, probant ferè omnes rationes n. 7. adductæ; ubi loquitur de illo, qui habet votum, quem putat probabilius non posse contrahere absque culpa lethali.

Sed quæ istæ rationes? Prima est; quia patientissimo periculo exponitur sic contrahens mutandis animum, & ita violandi votum. Secunda; quia non potest negari, quin aliquo modo deroget dignitatis voti castitatis & Religionis ita contrahere, cùm absolutè jure cautum sit, hujusmodi vota impideat Matrimonium contrahendum, c. Rursus, & c. Consulut, & c. Insuante, Qui Clerici vel volunt. Tertia; quia ratione rectæ repugnat, ut quis tradat potestarem sui corporis alii, ad id quæ se obliget, quod implere minimè intendit. Quarta; quia eo animo contrahens videtur illudere Sacramentum, & notabilem infert injuriam pueræ; nam cogit ipsam absque nuptiis esse, donec ipse profiteatur; et si egreditur, esse uxorem monachi cum suo dedecore; & eo professo, non ita facile alii nubet, & suspicionis notâ non leví afficietur; existimabunt enim multi, eam desertam esse ob aliquod vitium: decipit etiam in re gravi pueram. Haec tenet Sanchez, citans multos Auctores pro illa sententia.

Interim fatetur n. 6. opositam sententiam pro-

probabilem, pro qua etiam citat non paucos, Auctores, & inter alios Scotum q. dist. 38. q. un. propo finem vers. *Consimiliter*. Hæc sunt verba Scotti: *Consimiliter si de peccato ageretur, videretur illicetum contrahere post votum privatum: quia simpliciter peccat mortaliter in contrahendo cum intentione consentiendi & consummandi actum carnalem, & ideo non potest licet contrahere, nisi cum intentione non consentiendi, & per consequens intrandi Religionem. Et infra: Et si queras, quare non illegitima virum, cum peccat mortaliter contrahendo, nisi cum proposito non consummandi? Respondeo &c. Ergo, secundum Scotum, non peccat mortaliter contrahendo cum proposito non consummandi.*

Rationem assignat Suarius tom. 3. de Relig. lib. 9. c. 3. n. 4. (ubi exigitur, hanc tentiam veram esse, per se & ex natura talis voti loquendo.) nam vinculum Matrimonii per se spectatum, non est formaliter contrarium castitati. Et licet radicaliter seu virtualiter videatur opponi, id solidum est, quatenus ad copulam ordinatur; hic autem ordo potest animo & voluntate praescire, sine ultra repugnantia vel turpitudine; ergo si fiat, non habet intrinsecum malitiam vel oppositionem cum voto castitatis; quia per se non fit de non contrahendo, sed de non agendo aliquid contrarium castitati. Hæc ille. Porro quod contractus Matrimonii non sit contrarius castitati, pater ex Matrimonio B. Virg. cum Iosepho.

Negamus itaque, in voluntate contrahendi de necessariis includi virtualem voluntatem consummandi; id enim ad summum verum est, quando per contrarium voluntatem formalem, illa virtualis non impeditur. Alioquin nunquam liceret contrahere absque voti dispensatione, quod nec ipse Sanchez admittit; nam num 8. ait: In aliquibus eventibus licitum erit, habent vorum Religionis vel castitatis, contrahere animo firmo ingrediendi Religionem ante consummationem Matrimonii. Primus est, quando esset notabilis metus, quamvis non cadens in virum constantem, famam propriæ aut amittendæ vite, nisi contraheret. Secundus, si voto ad strictus alio modo non potest ingredi Religionem, quia inclusus retinetur.

Addunt Aliqui tertium casum; ut contra-
et Matrimonio uterque vovet continentiam. Sed hic non placet Sanchio suprà, tum; quia videtur irrisio Sacramenti, & aliquis injuria interrogatur voto: tum etiam; quia si ea conditione incant Matrimonium, est irritum; et quod conditio est contra Matrimonii substantiam, inquit hic Auctor. Quod ego non potest esse verum, ut suo loco diffusius demonstrabimus.

Alii casus similes possunt excogitari; v. g. ad legitimandam problem, ad evitandum

magnum scandalum &c. in quibus Omnes admittunt, esse licitum contrahere cum voto castitatis aut Religionis; animo tamen ante consummationem intrandi Religionem; ac proinde dici nequit, ex natura rei talem contractum repugnare voto castitatis.

Interim tamen, cum Matrimonium per se ordinetur ad copulam conjugalem, contra-
here illud cum opposita condione, & ex-
Requiritur
sempre mag-
cluendo omnino illum finem, non haberet per *nacausa*,
se congruentiam vel honestatem; & ideo
magna requiritur causa, qua honestet talem
contrahendi modum; maximè cum timeri
possit & debeat morale periculum inconti-
nentie, ut suprà bene dicebat Sanchez, &
mutationis propositi. Illud tamen periculum,
ut nota Suarez suprà n. 6. non est adeo pro-
ximum, ut semper censerit debeat moralis occa-
sio; neque etiam omnes homines sunt in
hac materia ex quo fragiles; & aliqui tantam à
Deo recipiunt gratiam, ut sine temeritate
sperare possint, le evasuros illud periculum.

Addit Suarez n. 7. in tali actu virtute fieri
debet commutationem quamdam, vel po-
tius extensionem voti castitatis, in votum Re-
ligionis; quia per illum actum, quantum in
se est, reddit se moraliter impotentem ad fer-
vandum castitatis votum, nisi Religionem
ingrediatur, immo profiteatur; ergo ut licet
faciat illum actum, neceps est, ut velit man-
nere obligatus ad intrandam Religionem, immo
ad proficiendam, alioquin sine culpa posset
mutare propositum intrandi Religionem, &
perseverare in statu conjugali; & consequen-
ter etiam posset, immo & deberet debitum
reddere; quod secundum se repugnat voto
castitatis.

Contrarium (quod docet Sanchez soprà *Sanchez*,
n. 9. cum Aliis, quos citat) Suario non vide-
tur probabile; sic enim posset alius, post
votum virginitatis, voluntarie amittere vir-
ginitatem, nullum obligandi vim fortuit. Sed
facile responderit, id verum esse ex hypo-
thesi, quod illicetum voluerit inire Matrimo-
nium, secus si supponatur Matrimonium
fuisse licitum; quia non potest esse licitum,
nisi se velit obligare ad Professionem, emit-
tendum, ut ex Suario ostendimus.

Secundum si professio religio fia ei mor-
taliter aut physice impossibilis; vel quia non
tenebatur ingredi, quamvis Matrimonium
inire; nec ex vi illius propositi tenetur, quia
cum illud, votum non fit, sed simplex pro-
positum, nullum obligandi vim fortuit. Sed
facile responderit, id verum esse ex hypo-
thesi, Quid si pro-
est, qui velit eam acceptare, vel quia ob ex-
cessu religio-
tudinem, aut aliam causam, non potest ab-
fia fia im-
que notabiliter incommode profiteri, quod si possibili-
præz.

128 Disput. II. De Contractu & Sacramento Matrimonii.

Suarez.

prævidisset, noluisse se obligare? Responderet Suarius suprà n. 10. posse sine scrupulo redire ad faculum, & reddere debitum, etiam primâ vice sine culpa. Et ratio est; quia ex quo facta fuit illa commutatio aut extensio, jam votum castitatis non obligavit ad integrum castitatem, nisi in statu Religionis cum obligatione ejus, morali modo intellecta, prout homines solent secundum jus & secundum prudentiam ad Religionem obligari; nam hoc satis est, ut prima actio & commutatio licita fuerit. Semel autem facta commutatione, prius votum jam non obligat, nisi secundum id, quod post commutationem de illo relictum est; & ideo impedito statu Religionis, in predicto statu votum castitatis non obligat ad servandam illam, nisi quantum sine injurya alterius conjugis servari potest, & ideo potest reddi debitum, etiam primâ vice, sine ulla culpa. Hæc ille.

Qui ibidem n. 11. notat; ea, quæ dicta sunt de commutatione seu extensione voti castitatis ad votum Religionis, intelligenda esse, quando non supererit aliud medium servandi castitatem; hinc si post contractum Matrimonium, alter coniux vellet castitatem vovere, & non esset periculum incontinentis, quod vix potest moraliter defesse, non fore obligatio intrandi Religionem. Similiter, si aliquis per revelationem divinam certificatus esset, alium conjugem nunquam petiturum debitum. Et ita Multi interpretantur Matrimonium B. Virg. cum Jolepho post votum castitatis.

96. Dicendum ergo est cum Suarez supra n. 9. oportere, ut qui sic contrahit, sit moraliter certus, non solum de suo proposito, sed etiam de effectu ejus; scilicet, quod sine difficultate poterit executioni mandari; quia alias manifesto periculo exponitur castitas. Quod quia rarissime contingit, ideo rarissime licitum est cum vero castitatis contrahere Matrimonium, esso habeas animum intrandi Religionem ante consummationem; nisi aliqua alia causa majoris momenti accedat, quæ prævaleat illi periculo.

97. Sed nunguidjuramentum talis causa est? Hoc enim videtur inferri ex cap. *Commissionum*, ubi Pontifex ait, ut suprà vidimus, tuius esse prius contrahere, quando quis præstato juramento firmavit sponsalia. Nam quod loquatur de eo, qui fecerat votum castitatis, colligunt Aliqui ex his verbis: *Nunc autem privata lege datus, ad frugem melioris vite transire suspirat*. Votum enim privata lex est.

Ait verius est, Pontificem ibi per legem privatam non intellexisse votum castitatis aut Religionis; quia infra dicit textus: *Ei posse ea si elegit (caste vivere) ad Religionem migrare*. Ubi clare significatur, nondum animo firmasse ingredi, neandum yovisse.

Quæris à me, quid ergo jus intelligat per legem privatam? Respondeo cum Urb. Pa. 93. pa 2. & refertur 19. q. 2. c. 2. *Lex privata est, intelligatur legem pri-que instinctu S. Spiritus in corde scribitur, sicut legem pri-que quibusdam dicit Apostolus: Qui habent le-gem Dei scriptam in cordibus suis. Et alibi: Cū gentes legem non habeant, si naturali-ter ea, quæ legis sunt, faciunt; ipsi sibi sunt lex. Si quis horum in Ecclesia sua sub Episcopo Cap. 2. 13. populum retinet, & seculariter vivit, si afflans q. 2. Spiritu Sancto in aliquo monasterio, & secula-ri Canonia fatuare se voluerit, quia lege priva-ta ducitur, nulla ratio exigit, ut à lege publica confringatur. Dignor est enim lex privata, quam publica. Spiritus quidem Dei lex est: Et qui spiritus Dei aguntur, lege Dei ducuntur, & quis est qui Spiritus Sancto possit dignè resistere?* Ita Pontifex Urb. 2. in capitulo S. Ruffini. Et Innoc. 3. c. 18. de Regular. concedens C. 18. de licentiam Religioso, zelo sanctionis viræ transeundi ad strictiorem Religionem, sic ait: *Talis ergo postquam à Prelato suo transen-di licentiam possumaverit, ex lege privata (que publicæ legi praedicatur) absolutus, liberè potest sanctioris viæ propositum adimplere. Ubi glossa: Ex lege privata, inquit: Quæ est amor Dei sive charitas, de qua dicitur: Habe chari-tatem, & fac quidquid vis. de Pœnit. dif. 2. Radicata. Lau.*

Itaque ex cap. *Commissionum*, non sumitur argumentum efficacis pro sententia Scotti; sed neque eam efficaciter impugnat secunda ratiō Sanchii suprà, videlicet, quia jure cau-tum est, vota castitatis & Religionis impedi-re Matrimonium contrahendum; quippe ju-ramnia, quæ allegantur, loquuntur de Ma-trrimonio eo modo, quo solet contrahi, id est, cum animo illud consummandi; arg. leg. 3. ff. L. 3. 4. 5. Legibus: *Jura constitui oportet, ut dicitur, ut plurimum accidat, non quæ ex necessitate id est, ex inopinatio. Et l. 4. cod. Ex his, que forte uno aliquo casu accidere possunt; iura non constituantur. Item l. 5. cod. Nam ad ea po-tius debet aptari ius, quæ frequenter & facile-que quæ perraro eveniant.*

Rogas à me, an sit efficax tertia ratio San-chii suprà, quæ non supponit votum castita-tum? Respondeo; me non videre, quomodo contractus Matrimonii in casu nostro, gravi-ter saltem, repugnet rectæ rationi, præcisè ligatio ex eo, quod contrahens non intendat implere id, ad quod se obligat; quippe non implendo non rep-utitur jure suo; ubi enim jus specialiter prohi-buit, habere intentionem in rati Religionem, ante contractum Matrimonii? Cum ergo cer-tum sit, concedere illam intentionem, & in-gressum ipsum post contractum Matrimo-nium, quæ veri apparentia dicimus, illam in-tentionem antecedentem graviter repugnare rectæ rationi, seclusus extrinsecis damnis?

Nun-

Nunquid graviter repugnat recte ratione, facere testamentum, aut aliam donationem inter vivos, ipso jure invalidam, & per consequens absque animo implendi illud, ad quod se videtur donans obligare? Ad summum est peccatum veniale otiositatis, quando nulla subest iusta causa id faciendi, seclusis damnis extrinsecis, & donarius deceptionem suam debet imputare propriæ ignorantie.

Ita dico, in casu proposito me non vide regrave peccatum, seclusis damnis extrinsecis; immo nequidem actum otiositatis inventio, cum semper possit adesse optimus finis, scilicet suscepitio Sacramenti & gratia sacramentalis; immo hic finis semper debet adesse, cum, ut supponitur, contractus Matrimonii sic celebratus, valeat tam in ratione contractus, quam Sacramenti.

Unde miror, quod dicat Sanchez supra in sua 4. ratione, sic contrahentem illudere Sacramentum; neque enim Sacramentum aliud exigit, quam ut validè in statu gratiae recipiatur; porrò qui dicit, talem non recipere Sacramentum in statu gratiae, sed mortaliter peccare sic recipiendo, petit principium; & aliter id probandum, quam dico; illudit Sacramentum; ergo peccat mortaliter.

Probatur, inquis, aliter; quia notabilis infertur injurya puellæ, quæ est altera pars quartæ rationis Sanchez supra. Respondeo: solum probat, quod vir non possit tali animo contrahere, secus puella. Sed neque de viro sat's probat. Nam (inquit Suarez supra numero duodecimo) si professio Religionis impedita fuerit, illi reddetur debitum suum, per quod satisfit quoad hanc partem rigori iustitiae. Nam licet aliquod gravamen unius conjugis sit, quod alter habeat votum castitatis, ratione cuius non possit debitum petere, & ideo aliqualis decipio videatur, contrahere habendo votum, quod alter ignorat; nihilominus non videatur hoc continere injuriam adēd gravem, ut ob eam solam causam censendum sit peccatum mortale iustitiae; quamquam hoc accidentarium omnino si ad votum continentiae, de quo agimus. Ac denique; licet illa sit aliqualis injurya, si absque causa vel ratione fiat, tamen intervenientibus circumstantiis suprà positis, homo utitur jure suo; & ideo censendus non est, formaliter decipere aut injuriam facere. Quod si post tale Matrimonium Professio re ipsâ secesserit, jam alter conjux manet omnino liber, & sic etiam ex hoc capite nulla sit ei injurya.

Dicunt Aliqui (prosequitur idem Auctor numero decimo tertio) interdùm, præfertim ex parte mulieris, reddi difficultius Matrimonium cum alio, quod illi est injuriolum.

Respondetur negando Assumptum; si loquamur per se, & secundum rectam rationem; quod autem apud aliquos, pro sua voluntate sine ratione operantes, id possit accidere, curandum non est. Et probatur aper-
tione; nam in omni Matrimonio ex parte pars negoti-
utriusque conjugis subintelligitur tacite il-
la conditio: *Nisi ad statum Religionis transi-
re volero;* unde uterque retinet jus suum
ad id deliberaendum, & faciendum intrâ tem-
pus jure præscriptum, & ideo neuter alteri
facit injuriam; quia & in hoc sunt pares, &
talis conditio per se inest tali contractui: ergo
quod à principio fiat contractus, cum
intentione utendi illo jure, & implendi il-
lam conditionem, non potest esse injuria
sum coniugi, cum ei non fiat majus nocu-
mentum, & quod illa intentio præcedat,
quam si subseparatur.

Unde à fortiori constat; omnino falsum & improbatum esse, dicere talem intentionem esse contra substantiam Matrimonii; cùm non excludat verum consensum in ipsum vinculum, quandoquidem portetas intrandi Religionem, cohærente possit cum vero Matrimonio; & ita de hoc nulla est dubitatio inter probatos Auctores. Hactenus Suarius.

Quidquid ergo sit de illo, qui habet votum castitatis (qui absque dubio mortaliter peccat contra votum suum, si adsit proximum periculum Matrimonium consummandi) certè non audet eum damnare pecati mortalisi, qui, nullo adstrictus voto, post sponsalia jurata contrahit Matrimonium, animo ingrediendi Religionem ante confummationem, eftò juramentum istud non obligaret, sicuti putamus nos, non obligare. Excipio casum, quo grave damnum extrinsecum sequeretur alteri parti, quod commodi posset, non contrahendo Matrimonium, impedire; tunc enim, ut pater, si non iustitia, saltem charitas graviter obligaret non contrahere.

Atque hæc satis de illis causis, quæ ipso facto dissolvunt sponsalia. Sequitur, ut de aliis tractemus, quæ licet ipso facto non dissolvant sponsalia, tantum tamen jus sponsis à contractu resiliendi. Dico autem generaliter:

R. CON-